



جامعة السلطان الشريف علي الإسلامية
UNIVERSITI ISLAM SULTAN SHARIF ALI
SULTAN SHARIF ALI ISLAMIC UNIVERSITY

Fakulti Syariah dan Undang-Undang Semester II, Sesi Akademik 2022/2023

Kertas Soalan Peperiksaan

Kod Kursus : SJ4310
Nama Kursus : Kanun Jenayah Syariah
Peringkat Kursus : Sarjana Muda Syariah
Masa : 3 Jam

Rujukan dibenarkan:

Perintah Kanun Hukuman Jenayah Syariah, 2013

Nota :

1. Jawab **tiga (3)** soalan sahaja.
2. Sila gunakan nas-nas al-Quran dan Sunnah, peruntukan perundangan, dan kes-kes yang relevan, bagi menyokong jawapan awda, sejauh mana yang berkenaan.

بِسْمِ اللَّهِ الرَّحْمَنِ الرَّحِيمِ

Soalan 1 (20 markah)

Dalam satu kes perbicaraan pertuduhan *sariqah* di Mahkamah Pakistan, iaitu kes *Ghulam Ali lawan the State PLD 1986 SC741* menunjukkan terlalu banyak kelemahan dalam proses pembuktian dan perbicaraan walaupun pada dasarnya menerapkan elemen-elemen syarak. Bincangkan secara terperinci dengan menyatakan perkara tersebut di bawah:

- 1) Elemen-elemen pertuduhan kesalahan *sariqah* (3 markah)
- 2) Pembuktian yang dikemukakan (4 markah)
- 3) Isu ditimbulkan dalam perbicaraan (8 markah)
- 4) Bentuk kesalahan dan hukuman yang boleh disabitkan ke atas tertuduh, sekiranya kes ini berlaku di Negara Brunei Darussalam. (5 markah)

Soalan 2 (20 markah)

1) Menurut bab 124. (2) dalam Perintah Kanun Hukuman Jenayah Syariah, 2013, *qatl* terbahagi kepada tiga jenis iaitu—

- a) *qatlul-'amd*;
- b) *qatlu syibhil-'amd*; dan
- c) *qatlul-khata'*.

Jelaskan secara ringkas perbezaan antara jenis-jenis *qatl* ini berserta contoh. (6 markah)

2) Huraikan keadaan-keadaan di mana ke tiga-tiga jenis *qatl* ini boleh dikenakan bayaran *diyat* berdasarkan peruntukan *Qatl* dalam Perintah Kanun Hukuman Jenayah Syariah, 2013. (9 markah)

3) Bagaimana *qisas* itu boleh digugurkan, apakah hak waris atau waris-waris jika *qisas* digugurkan, dan sama ada tertuduh yang telah dimaafkan boleh dihukum dengan *ta'zir*? (5 markah)

Soalan 3 (20 markah)

Dara merupakan wanita bujang berusia hampir 40-an mempunyai hubungan sulit dengan ketua pejabatnya yang bernama Uda. Uda sudah berkahwin dan belum punya anak. Hubungan Uda dan isterinya Jelita agak renggang kerana masing-masing sibuk dengan kerjaya. Uda dan Dara banyak menghabiskan masa bersama dan ada kalanya bermalam di rumah sewa milik Uda. Hubungan mereka dihidu Jelita yang kemudiannya nekad melaporkan maksiat yang dilakukan mereka apabila mengetahui Dara sudah mengandungkan anak daripada suaminya Uda.

Pegawai Penguat kuasa Syariah tiba di sebuah hotel 20 minit selepas menerima aduan daripada Jelita. dan menangkap Uda dan Dara ketika didapati sedang melakukan persetubuhan. Fakta kes menunjukkan bahawa Jelita, bersama abangnya Ali dan kakak iparnya Rusnah serta adiknya Rustam melihat Uda dan Dara berada dalam keadaan bogel di atas katil di mana Uda sedang meniarap di atas Dara. Jelita, Ali, Rusnah dan Rustam masing-masing menyatakan bahawa mereka nampak sebahagian *hasyafah* Uda berada dalam faraj Dara, sebelum Uda bergegas bangun dari katil dan Dara menarik selimut menutupi badannya. Ketika serbuan dilakukan, bilik hotel itu dalam keadaan gelap dan hanya disinari satu lampu kecil berdekatan katil.

Kedua-dua mereka telah dihadapkan ke Mahkamah Tinggi Syariah atas tuduhan melakukan zina yang boleh dihukum di bawah bab 69(1) Perintah Kanun Hukuman Jenayah Syariah, 2013.

- 1) Bincangkan bukti-bukti dan keterangan yang diperlukan bagi awda membina suatu kes zina terhadap Uda dan Dara untuk menyokong sabitan bagi hukuman *hadd*.

(8 markah)

- 2) Sekiranya Mahkamah Bicara menolak pertuduhan zina yang awda sedang buktikan, apakah kesalahan yang sesuai yang awda akan syorkan kepada Mahkamah untuk dipertuduhkan dan disabitkan terhadap Uda dan Dara, dan nyatakan sebab-sebab awda memilih untuk mengesyorkan kesalahan tersebut.

(8 markah)

- 3) Sekiranya anak yang dikandungkan Dara adalah hasil hubungan luar nikah bersama Dara, apakah kesalahan yang sesuai untuk dipertuduhkan dan disabitkan terhadap Uda dan Dara?

(4 markah)

Soalan 4 (20 markah)

Mariam Ibrahim telah dilahirkan di Wilayah al-Qadarif, Sudan, dari pasangan bapanya Ibrahim, seorang Muslim, dan ibunya seorang menganut agama Kristian Ortodoks Habsyah. Ibrahim dan isterinya (ibu Mariam) telah bercerai, antara lain kerana isterinya tidak mahu menukar agamanya kepada agama Islam. Ibrahim telah meninggalkan Mariam dan ibunya sejak Mariam berumur 6 tahun. Mariam telah dibesarkan oleh ibunya mengikut tradisi dan agama anutan ibunya. Setelah dewasa, Mariam telah berkahwin dengan Danial Wani, pemuda Sudan yang beragama Kristian dan menetap di Amerika. Salah seorang dari ahli keluarga Mariam sebelah bapanya telah melaporkan perkahwinan Mariam kepada pihak berkuasa dengan mendakwa bahawa Mariam telah melakukan zina bila berkahwin dengan suaminya yang Kristian itu. Walau bagaimanapun, tuduhan zina tidak diteruskan tetapi Mariam telah dikenakan pertuduhan Irtidad. Mariam didakwa murtad kerana mengisytiharkan dirinya menganut agama lain selain Islam, iaitu agama Kristian.

YA Hakim bicara telah meminta Mariam bertaubat dan kembali kepada agama Islam. YA Hakim telah memberinya peluang untuk bertaubat dan kembali kepada agama Islam dalam tempoh tiga hari. Mariam, bagaimanapun, enggan untuk bertaubat dan masih bertegas untuk kekal menjadikan Kristian sebagai pegangan hidupnya. Mahkamah telah menjatuhkan hukuman mati terhadap Mariam pada 15hb Mei 2014 kerana didapati salah melakukan jenayah irtidad, atas tuduhan bahawa dia telah menukar agamanya dari agama Islam kepada agama Kristian.

- (a) Bincangkan apakah elemen-elemen yang perlu dibuktikan wujud sebelum kesalahan *irtidad* boleh disabitkan.
(5 markah)
- (b) Jelaskan syarat-syarat yang perlu dipenuhi sebelum sabitan hukuman *hadd* dapat diputuskan.
(5 markah)
- (c) Huraikan pendapat awda mengenai tempoh taubat selama tiga hari yang diberikan YA Hakim Mahkamah bicara Sudan terhadap Mariam Ibrahim dan awda boleh mencadangkan tempoh yang sesuai dengan alasan-alasan munasabah.
(4 markah)
- (d) Jelaskan pendapat awda mengenai hukuman yang telah dijatuhkan oleh YA Hakim Mahkamah bicara Sudan terhadap Mariam Ibrahim dan cadangkan apakah hukuman yang wajar dijatuhkan terhadap Maryam.
(6 markah)